



**Unniudjutit Munariyumin Ministamun uvani Qulliq Alruyaqtuqtunik
Ikumatjutiitkunnun**

Pittiaqnikkut:

**Uuminnga Uukturutimik Qulliq Alruyaqtuqtunik Ikumadjutiitkunnin
Angirutikhaanun Urhuryuani Akighanut Ikayuutimun**

Talvanga
Qitiqqautiyuq 1, 2017-mit Apitilirvik 30, 2017-mut

Unniudjuti 2017-01

Qitiqqautiyuq 24, 2017

ILAUYUT KATIMAYIIT

Graham Lock

Uqaqtuyunit Ikhivautalik

Robbin Sinclair

Katimayiuyuq

Nadia Ciccone

Katimayiuyuq

Ikayuutikhats

Laurie-Anne White

Aulapkaiyi

Raj Retnanandan

Qauyihaqti

TITIRAQHIMAYUT NAITUMIK TITIRAQHIMAYUNIK

CGS-kut	CGS Nunalingni Kavamatkunnilu Pivikhaqautikkut , GN
GN-kut	Kavamangat Nunavut
GRA-kut	GRA Naunaitut Akiliktuutikhaglit Uuktuutikhaq
FS-kut	FSR Urhuryuanut Akighanut Ikayuti
PPD-kut	Uqhuryualiqiyit Havakviat
QEC-kut	Qulliq Alruyaqtutinik ikumadjutiitPage
URRC-kut	URRC Igluin Aulatjutititgun Akitutilaanginnut Katimayiit

Iluaniituni Titiraqhimayut

- 1.0 TAMNA UUKTUUTIKHAQ..... ERROR! BOOKMARK NOT DEFINED.**
- 2.0 KANGIKHIDJUTIKHAQ**
ERROR! BOOKMARK NOT DEFINED.
- 3.0 HANAQIDJUTIKHAQ..... ERROR! BOOKMARK NOT DEFINED.**
- 4.0 IHUMAGIYAUNIQ UUKTUUTIKHARNIKERROR! BOOKMARK NOT DEFINED.**
- 5.0 URRC-KUNNIT PITQUYAUHIMAYUT. ERROR! BOOKMARK NOT DEFINED.**

1.0 1.0 TAMNA UUKTUUTIKHAQ

Qulliq Alruyaktuqtunik Ikumadjutiit (QEC), auladjutiliqiyuvlutik, piyughauyut maliklugu Ilangani 12 (1) uumani Igluin Auladjutitigun Akitutilaanginnut Katimayiit Maligaq (Maligaq), angiktaukuvlugu Ministanganut QEC-kut (Minista), hivuagut havaliqtinnagu akikhaniq akiliktakhaniqkluunniit. Munaqhiyuq Minista inmi piyukhaq ataani naunaitkutaani 12(2)Maligami,qiniqtughaq uqaudjihimayainik hapkua Ihivriuqtiiit Katimayiit(URRC) uvani ikumadjutikkut apighilutik akiinun.

Titiraqhimayuq ubluani Qiqiaiyalirvia 17,2017, QECtkut apighiyut hapkununga Ministamun munaqhiyuq QECtkunik, apighuobluni angigutmik Akilikutikhait Aulavikhaat(FSR) utiqtughamik uuminga 8.07sat per kwh., hamanga Qitiqqautiyuq 1,2016mit uumunga Apitilirvia 30,2017. Titiraqhimayumut upluani Tattiarnaqvia 20, 2017 Minista tukhiqtuq uqautjiyikhanik URRC-kunit Uukturutimut.

2.0 KANGIKHIDJUTIKHAQ

Taapkuat tahamaniittut pauwaliqinikkut akitutilaangit angiqtauhimayut atulihutik Qiqaiyarluarvia 1, 2014, malikhugit Ministanin Pitquitjutainnun upluqaqtumi Qiqaiyarluarvia 30, 2014, ilaupluni QEC-kut 2014/15 Havagutikhaq I Tamainnut Akitutilaanginni Uukturutimi (GRA). Uqumaitilaaqtauhimayut urhuyuani akitutilaangani ihumagiyaayuq imaatut \$1.10 atauhirmi litre-mi (uqumaitilaaqtauhimayut tamainni nunallaani) iliuraqhimayut tahamaniitnun tunngavigiyayuni akitutilaanginni tautuktita Ubluirvia 30, 2014 titiraqhimayuq Nunalingni Kavamatkunillu Pivikhaqautikkut Havakvianin (CGS) mikhaagut urhuyuat akiinni aallanuqtirnirni ukununga QEC-kunnun.

Tadja uukturuti uumunga FSR utiqtiffaarutikkut ikayuutikhamiq taimaa 8.23 cents atauhiqmut kWh, atulirluni Qitiqqautiyuq 1, 2017-min talvunga Aptilirvia 30, 2017-mun. Tamna urhuquyangit akikhangit angirutikhangit iniqtihimayuq ilagiyainik talvani Uuktuutikharnik naunairutikharnik tamna GRAnik hivunikharnik naunaiqhimayuq urhuquakhangit akikhangit

taima \$1.10 nik ilitaanik taima ublugiluangit hivunikhangit urhuqyuangit akikhangit, talvuuna mikhaatigun Qitiqqautiyuq 1, 2016mi talvunga Apilirvia 30, 2017mun; QEC-kut tukhiqpakhimayut maningnik utiqtukharnik talvanga urhuqyuakhangit akikhanik katitiqhimavakhimayut talvuuna akiliuhiarutikkut aulavikharnik akikhaluagyaingitlu, talvunga akiliktuhihimayunun talvuuna FSRnik utiqtukharnik akikhangit alruyaqtutikhhatigun. Tamna FSRnik utiqtukharnik akikhangit alruyaqtutikharnik taima 8.23 siakharnik kWh-nik himautiniaqtun tamna FSR-nik utiqtukharnik akiliktainik alruyaqtuqtunik taima 5.26 siakharnik kWh-nik taima aulalihimaliqtuq talvanga Tattiarnaqtuq 1, 2016mi Qiqaiyalirvia 31, 2016mun.

Uumani uuktunmi, Kuapuriisitkut tukhiqtuq angirutimik uumani 8.23 cents atauhirmi kWh FSR utiqtiffaarutikkut ikayuutikhamiq tatjakaffumi utiqtiffaaqtaarnikkut tunnganiqarluni, atulirluni Qitiqqautiyuq 1, 2017.

URRC-kut katimavaktuq uqautigiyumaplugu uukturuti taimaalu, titiraqhimanikkut upluqaqtumik Iidjiruria 23, 2017 pitquitjutiqaqtuq angirutikhamik uuminnga tatjakaffukmi FSR utiqtiffaarutikkut ikayuutikhamiq taimaa 8.23 cents atauhirmi kWh talvannga Qitiqqautiyuq 1, 2017 talvunga Apilirvia 30, 2017, tunnganiqarhuni hivulliinni ihivriurhinirni uumani uukturutimi pininganinlu tamaat URRC-kunnit ihivriurhinirmik uumani uukturutimi. URRC-kut ihumaliuqtut atuqtipkailirniq uuminnga FSR utiqtiffaarutikkut ikayuutikhamiq nakuuniqaqtuq inungnun aajikkiikniqarhunilu aulapkainingani akitutilaanginni aajikkiikniqarnikkut taimainnun atuqpaktunun.

Talvani pitquitjutaani URRC-kut qulaani, taamna Minista munariyalik URRC-kunnun angiqhimaya FSR utiqtiffaarutikkut ikayuutikhamiq taimaa 8.23 cents atauhirmi kWh aturlirluni Qiqaiyalirvia 1, 2017 imaatut tatjakaffumi utiqtiffaaqtaarnikkut tunnganiqarluni maliklugu Ilanganun 12.1.(1) uvani URRC Maligaqmi uqarhimayuq: “alvani uqautjiyiningit Ihivriuqtit Katimayiit tukhiqtaukpat ataani iluani-ilangani 12(2), Ihivriuqtit Katimayiit pitquitaaqtut atuqtipkailrnirmik uuminnga tatjakaffumi akitutilaamik akiliqtakhamikluunniit kihiani pitquitjuti tuniyaukpat ataani ilangani 16-mi, unalu Minista Ihivriuqtit Katimayiinni angiqtaaqtaa tukkuaqtauhimayuq aulatjutiliqiyiuplutik atuqtipkailirlugu pitquyauhimagayuq tatjakaffumi akitutilaamik akiliqtakhamikluunniit.”

3.0 HANAQIDJUTIKHAQ

Naunaitkutmi 13. (1.1) talvani Maligaqmi tunihimaaqtun taima:

Talvani, ihumaginingani Ihivruiqtiiit Katimayiit, taamna uukturuti tukhiqtauyumun akitutilaamik akiliqtakhamikluunniit mikkauyuq uukturutim, Ihivruiqtiiit Katimayiit unniutiyukhaq munariyalikmun Ministamun iluani 90-ni upluni pinngani munariyaliup Ministaup tukhirutaanik uqautjiyihanik ataani iluani-ilangani 12(2)

Ihvriuqhiningani QEC-kut uukturutaani, URRC-kut ihumaliuqhimayut pitjutilugu una FSR uukturuti taimaatut mikkauyuq uukturuti.

URRC-kut pipkaiyut ilitturipkaitjutikharnik Uukturutimi titiraqtauhimaluni uvani Nunavut News/North, Nunatsiaq News uvani Nunatsiaq qaritauyaakkurutikkut talvani tatqiqhiutaani Qiqaiyalirvia 2017.

Ihumagiyut ilauqatigiiktun tuniyauhimavaktun hanaqitjutikharnik tuniyaangat titiraqhimayunik tukhitjutikharnik ihumagiplugu Uktuutikhangit talvuuna QAiqaiyalirvia 24, 2017mi. Tuyuutiqangittuq titiqanik Ntikittuqangittunillu.

QEC kiuyuq ilitturipkainikkut tukhirutinun tuniyauhimayut URRC-kunnin mighaagut uukturutikkut uvani Qitiqqautiyuq 7, 2017.

URRC-kut ihumaginiaq talvuuna iluaniittuq uumani unniudjutimi.

4.0 IHUMAGIYAUNIQ UUKTUUTIKHARNIK

QEC-kut tunihimaaqtun, ilagiyainik uuktuutikharnik, aulavikharnik naitumik naunairutiqaqqtun hivunikhangit tatqikiutim piqaqtun talvani Urhuquyakhat Auladjutikharnik Maniktaqvikhangit talvuuna Apitilirvia 30, 2017mi naunairutiqaqqtun taima katitiqhimayut talvuuna tukhiqtauhimayut utiqtiqtukharnik alruyaqtuutikharnik. QEC-kut uqaqhimayut naunaitkutikhangit nallaumayut uukuninga naunairutingnik ihumagiyainiklu;

1. Urhuryuanik Angiyunik Akikhangit: Urhuqyuanganik Angiyunik Akikhangit: Naunaiyagiikhimayut tamaat urhuqyuakhangit tuniyauvakhimayut akikhangitlu talvanga 2016mi agyaqtauvakhimayut urhuqyuakhat aulaviani. Hivunikhangit angiyut urhuqyuangit tuyuqhimaqtunik talvanga 2017min urhuqyuangit tuyuqtauvakhimayunik naunairutiqaqtun taima adjikiiktumik akikhalkit talvanga 2016mi ihumagiyauluaqtunik akikharnik.
2. Naunailuaqhimayut Urhuryuat Akingit: Naunaiyaqhimayut urhuqyuat akingit talvuna Ubluirvia 2016. Ubluqtuhirnirmut Aullaqtirvia 2017miurhuryuat akingit naunaiyaqtauhimayut urhuryuat akinginut Ubluqtuhiviani, talvaniungittuq kihimi Iqalungni. Naunailuaqhimayut urhuryuat akingit Iidjiruria 2017mi [talvanga Ubluqtuhirnirmut Aullaqtirvia 2017 Iqalungni] talvunga Apitilirvia 2017 hivunikharnik ihumagiyauhimayut taima adjikiiktumik akiqaqtun tapkuninga ihumagiyauluatunik taima nutaaq naunailuaqhimayut urhuryuat akingit atuqtaulihimayuq Ubluqtuhirnirmut Aullaqtirvia 30, 2017 uqaqtauyumik Nunavut Kavamatkunnit.
3. Naunailuaqhimayut Urhuryuat Akingit Aadlangguktauyukhanik Iqalungni: Naunaiyaqtauhimayut CGS-kunit tamna nutaaq naunailuaqhimayut urhuryuat akingit Iqalungni utiqtitauyukhat maniit Qitiqqautiyuq 2016. Tamna urhuryuat akingat ihuaqhautat mikhitihunguyuq akinganut agyaqtauhimayunut naunailuaqhimayut urhuqyuat tatqiqhiutanit Qitiqqautiyuq tatqiqhiutanut Ubluiqtirvia 2016 uuminnga \$1.06 milliat taalamik. Akikhanginnik mikhilaarutinganik naunaiqtauhimayuq tatqiqhiutani Qiqaiyalirvia 31, 2017 Urhuryuani Akighanut Maniqarviani avaliikhimayuq.
4. Urhuryuat Amigaitilaanga: Urhuqyuakhangit akikhangit naunaiqhimayut uqumaitilaanganik aulahimayut urhuqyuangit akikhait nallaumayut urhuqhait katitiqhimayut talvani avuhimayutlu tamaat urhuqyuahat niguaqtauyukharnik urhuqyuanganik aulayukharnik nunalaanun.
5. Niuvvanikkut Naunaiqhimayutlu: QEC-kungit atuqpagiangit naunaiqhimayunik niuvrutigivakhimayaingit atuqtakhangit.

QEC-kut uqaqhimayut mikhilarutait naunailuaqhimayut urhuryuat akingit tuhaqtitauhimayut Kavamnaganit Nunavut atuqtaulikhimayut Ubluqtuhirnirmut Aullaqtirvia 30, 2017 piliqtinga Iqalungni urhuqyuat akingat Aadlangurninga \$1.06 milliat taalamik Qiqaiyalirvia 31, 2017 imatut aktigiyumik \$1.8 million taalamik adjikkutvayanik Tattiarnaqhilarvia 2016 piniarnahugiyainut.

QEC-kut uqaqhimayut urhuqyuanganik auladujutikharni akikhaanganik (FSR) utiffaaqtukharnik maningnik aulavikharnik taima 8.23 siaharlugu tamaat kWh-nik, naunaiqtauuyuq pinahuaqhugu piittunnguriangani uumani FSRF Apitilirviani 30, 2017. QEC-kut ihumagiyauyuq urhuryuap ikayuutinga manik ittuq \$60.5 (ilaliuthimayuqlu GST-mik) atauhirmi tatqiqhiutimi kavamaungittunut iglulgit atuqtut piyuq maninnganik \$38.66 atauhirmi tatqiqhiutimi naunaiyautigiplugui manik utiqtiffaarut ikayuutinga ilakunganik pilaqtauyut uuminnga 5.26 siatmik atauhirmut kWh-mik.

URRC-kut ihevriuqhimayaa QEC-kut naunaiyarutaa uvani FSR utiqtiffaarutikkut ikayuutikhamiq naamaginiqaqtullu qanuriliurutit naunaiyarutillu atuqtauyut ihuaqtut aajikkiikniqaqtullu kingulliinni atuqpaktainni.

URRC-kut naunaiqhiyut akitlanganik utiqtiffaarutikkut ikayuutikhamiq pidjutauniarunaqhiyuq akitlakanut utiqtiffaarutikkut unngavaqtaukpat uqhuryuat akikanut uttiqtidjutikhainik utirniaqtut akitlakhaliukhimayumut. Ihumagiplugu hamna, URRC-kut ihumaliurutigihimayat taimailiurluaglutik utiqtiffaarutikkut ikayuutikhat hivitutqiyaní amihuni tatqiqhiutiniluuniit. Kihimik, hivitutqiyaani Urhuqyuamut Ihuarhaininnganut Akingani kinguagut katitiqtauvakhimayunik ihuariyaulimaitunakhiyuq akiliqtuiyut tuniyauvakhimayut utiqtiffaarutikhainik aallangatqiyauniarunakchingmat, qaffini tatqiqhiutini, akiliqtuiyunut angitqiyanik akiliqhiqtauqpata. Akitlakanik URRC-kut angigtangat tukhiutat utiqtiffaarutikhainik Urhuryuani Akighanut Maniqarviani akitlakanik tikitpat Apitilirvik 30, 2017mi.

Taimaatut, URRC inirutikkut uqaqtut taamna utiqtiffaarutikkut ikayuutikhamiq tukhiqtauhimayuq uvunga Qitiqqautiyuq 1, 2017-min uvunga Apitilirvia 30, 2017-mun ihuaqtuq inungnunlu nakuuniqarnirmun.

5.0 URRC-KUNNIT PITQUYAUHIMAYUT

1. 13.Naunaitkutaa 1 (1) Maligap uqaqhimayuq:

Ihvriuqtuit Katimayiit, uniudjuqtughat uumunga munaqhiyumin Ministamun uqaqhimayuq pitquyauyuq imaa:

- a) tamna ayungnautigiyain tukhikhimayunut akikhainut akiliktakhainutluuniit aulgiaqaqtuq;
- b) ayurhautinga uumunga uukturumayangitnik akinga taaksikhamikluuniit pipkaitjutauhimaittukhaugaluaq, unaluuniit
- c)aatla akinga taaksikhamikluuniit naunaiqhimayuq ukunanit Ihvriuqtut Katimayit pipkaitjutauyukhaugaluaq.”

Malikhugit ukuat qulaani URRC-kut pitquiyut urhuryuakkut utiqtaffaarutikkut ikayuutikhaq imaatut 8.23 cents atauhirmi KWh angqtauyukhaq QEC-kunnun, hivitunirmi Qitiqqautiyuq 1, 2017-min uvunga Apitilirvia 30, 2017-mun.

2. 2. Pittuq uumani Unniutimi ihuirutaulimaittuq URRC-kunnun ihumagiyamingnut aallanun hunaliqaaknun pitjutikhanun QEC-kunnun.

**PITJUTIGIPLUGIT IGLUIN AULATJUTITTIGUN AKITUTILAANGINNUN
KATIMAYIIT NUNAVUNMI**



Ublua: Qitiqqautiyuq 24, 2017

Graham Lock, Uqaqtuyunit Ikhivautalik